

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. II. Utrum lex æterna sit verè & propriè lex?

[urn:nbn:de:hbz:466:1-78232](#)

DISPUTATIO SECUNDA

giat. Nam quod unā viā ab illa deflectit, aliā viā in eandem relabitur. Dum enim peccator male agendo ab æternā lege Dei peccata prohibentis se subtrahit, in eandem, justam pœnam taxantem, incidit, ut in Tractatu de voluntate Dei fūsius declaravimus.

Diph. 3.4.1
§.9.

ARTICULUS II.

Vtrum lex æternas sit verè & propriè lex?

Negant Vazquez suprà q. 91. art. 1. & Lorca disp. 5. membro 2. plureque alii Recentiores, existimantes legem æternam non esse legem, nisi impròpiè & metaphoricè, & per quandam analogiam & similitudinem ad legem verè & propriè dictam. Sententia tamen affirmans, menti S. Doctoris, & principiis articulo præcedenti statutus conformior est. Unde

x4. Dico breviter, legem æternam esse verè & propriè legem.

Patet ex suprà dicitis, nam D. Thomas legem æternam numerat tanquam præcipuum inter leges, & fontem ac exemplar omnium aliarum. Unde suprà q. 91. art. 2. ait quod *lex naturalis nihil aliud est quam participatio legis æternæ in rationali creatura*; unde cùm lex naturalis habeat verè & propriè rationem legis, à fortiori lex æterna sit verè & propriè lex. Quare Cicero lib. 2. de legibus, illam numerat inter leges, ait que quod est *lex vera, atque princeps*.

x5. Ratio etiam suffragatur: Nam lex propriè dicta nihil aliud est, quam quedam ordinatio rationis in bonum commune, ab eo qui curam habet communitatis promulgata: Sed lex æterna est hujusmodi: Ergo verè & propriè legis rationem habet. Major constat ex definitione legis tradita à Divo Thoma suprà q. 90. art. 4. Minor etiam, quantum ad primam partem, nempe quod lex æterna sit ordinatio rationis in bonum commune ab eo qui curam habet communitatis, constat ex dicitis articulo præcedenti. Quantum verò ad secundam, quod nimis sit à Deo promulgata, ex objectionum solutione patebit.

x6. Objicies ergo primò cum Vazquez: Lex æterna nihil aliud est quam idea rerum in mente divina existens: Atqui idea non habet verè & propriè rationem legis, sed tantum metaphoricè: Ergo & lex æterna. Minor constat ex dicitis articulo præcedenti. Major verò probatur ex D. Thoma hic art. 1. afferente legem æternam esse ipsam rationem gubernationis rerum in Deo: Sed ratio gubernationis rerum in Deo est idea, ut docet idem S. Doctor. i. p. quest. 15. Ergo lex æterna nihil aliud est, quam idea rerum in mente divina existens.

x7. Respondeo negando Majorem, longè enim diversa est ratio ideae in Deo, & legis æternae, quidquid dicat Vazquez, qui nec mentem Divi Thomæ, nec naturam divinarum idearum, neque legis æternæ essentiam & quidditatem penetravit. Nam quamvis idea sitratio existens in Deo, & similiter lex æterna, diversum modè tamen, ut enim constat ex D. Thoma i. p. quest. 15. art. 1. idea est ratio rei facienda, sive forma ad cuius similitudinem factus mundus est; lex vero æterna est ratio gubernandi res, qua jam per ideas presupponuntur facta, vel facienda; unde in Deo supponitur ratio ideae ad rationem legis æternae; heuc in creatura supponitur creatio ejus ad gubernationem ipsius in ordine ad ultimum

A finem. Pluralia discrimina inter ideam & legem æternam articulo præcedenti §. 2. coroll. 1. adduximus.

Objicies secundò cum eodem Authore: De 18. ratione vera legis est promulgatio: Sed nulla lex potest ab æterno promulgari: Ergo nulla est verè lex æterna. Major constat ex dicitis disp. præcedenti art. 5. Minor vero probatur ex eo quod nullæ ab æterno fuerint creature, quibus aliqua lex promulgari potuerit.

Nec valet quod ait D. Thomas suprà q. 91. art. 1. ad 2. ex parte Dei promulgationem legis æternæ factam esse suo Verbo ab æterno, & scripturâ libritate, licet ex parte creature audiens aut insipientis, non fuerit facta ab æterno, sed in tempore. Non valet, inquam, Primo quia promulgatio est per se requista, ad rationem legis, unde per se pertinet ad illam: Sed Verbum Divinum, & ejus processio, non pertinent per se ad rationem legis, quia lex æterna est aliquid essentiale in Deo, Verbum autem est aliquid personale: Ergo impertinenter recurrunt ad Verbi Divini processionem, ad statutum legis æternae promulgationem.

Secundò, Liber vita nihil aliud est quam æterna Dei scientia, & firma notitia, in qua res metaphorica dicuntur scripta: Sed haec notitia non potest habere rationem promulgationis: Ergo nec liber vita. Minor probatur, quia promulgatio debet fieri iis quibus lex imponitur: ab æterno autem non fuerint creature quibus lex imponetur, nec quibus promulgaretur.

Sicutem dicatis cum D. Thoma ibidem in resp. ad 1. quod licet creature non fuerint ab æterno in seipsis, & in propria mensura, fuerint tamen apud Deum præsentes ab æterno in mensura æternitatis, quod sufficit, ut quantum est ex parte Dei fiat eis legis æterna promulgatio. Contra hanc responditionem instat Vazquez, eamque infingere conatur, tum ex eo quod praesentia illarum futurarum in æternitate, factitia omnino videtur, & à Thomistis excogitata: Tum etiam, quia tametsi gratis admittatur, non sufficit ut aliqua lex dicatur fuisse creaturis ab æterno promulgata; alioquin (inquit) lex Mosaica, quam dedit Deus in monte Horeb, potuisse dici lex æterna, vel ab æterno promulgata, quia populus ille, ratione, & reliqua cum quibus facta est promulgatio illius in tempore, fuerunt etiam praesentia æternitati.

Addit Vazquez, quod promulgatio legis debet esse opus extra Deum, quod non dicitur simpliciter fieri ab æterno, sed tantum in tempore: Ergo quantumcunque creatura sunt praesentes Deo in æternitate, hoc non sufficit ut ab æterno dicatur lex aliqua illius promulgata.

Hic objectioni, quæ præcipua Vazquis & 19. E aliorum Recentiorum fundamenta continet, quibus moventur ad negandum legem æternam verè & propriè rationem legis habere: Respondeo primò, promulgationem esse solum conditionem intrinsecam ut lex obliget in actu secundo, non verò ut habeat rationem legis, & sit obligativa in actu primo, ut disp. præcedenti art. 5. ostensum est. Unde argumentum illud Vazquis solum probat legem æternam, defactu promulgationis, non potuisse obligare creature ab æterno; non convincit tamen, eam ab æterno non habuisse verè & propriè rationem legis, vimque obligandi creature in tempore producendas, subindeque objectio illa spou-

DE LEGE AETERNA.

523

sponte corruit, & in sumum & auras evanescit.
 20. Respondeo secundò, promulgationem legis posse considerari ex parte ipsius legislatoris promulgantis, & ex parte iubandi cui promulgatur, posseque contingere, quod prius existat in legislatore promulgante, quam in subdito cui promulgatur; in modo de facto ita contingere, etiam in humanis, cum videamus prius promulgari legem in curia a legislatore, & postea decursu alienus temporis pervenire ad subditos. Sic igitur dicendum est de lege aeterna, eam scilicet ex parte Dei fuisse promulgatam ab aeterno, ad creaturam autem non pervenisse hujusmodi promulgationem, nisi in tempore. Unde ad objectionem in forma respondeo, datâ Majori, distinguendo Minorem: Nulla lex potest ab aeterno promulgari, promulgatione tenente ex parte creaturarum, concedo Minorem. Promulgatione teneante ex parte Dei si ipse legislator, nego Minorem & Consequentiam. Unde optima est responso D. Thomæ, dicentis ex parte Dei promulgationem legis aeternæ factam esse Verbo Divino, & scriptura libri vite, quamvis ex parte creaturarum fuerit solum facta in tempore.

21. Ad primam verò illius impugnationem, respondô, datâ etiam Majori, negando Minorem, & ad illius probationem dico, quod licet Verbum Divinum sit aliquid personale, illo tamen exprimitur non solum quod personale est in Deo & relativum, sed etiam quod est absolutum, tam necessarium, quam liberum; in modo ipsis operâ illo declarantur, ut docet D. Thomas hic art. ad 2. ex S. Augustino lib. 15. de Trinit. cap. 14. Unde illa expressio legis aeternæ facta Verbo, propriè habet rationem promulgationis ex parte Dei, quantumcumque lex sit aliquid absolutum in Deo, Verbum autem aliquid relatum.

22. Ad secundam de libro vita, translat Major, & negatur Minor. Ad probationem illius dico quod ex eo quod creature non fuerint ab aeterno, solum in seipso quod promulgatio ut se tener ex parte creaturarum non potuerit esse ab aeterno, non verò ut se tenet ex parte Dei; nam ut sit ab aeterno prout se tener ex parte Dei, sufficit & requiritur quod creature futura sint Deo praesentes ab aeterno in aeternitate, non verò exigitur quod sint ibi praesentes in seipso, & in propria mensura. Ratio est, quia Deus non promulgavit legem aeternam, ut creature subderentur sibi ab aeterno, sed ut sibi subjicerentur in tempore pro quo erant futura in propria mentura: Unde non requiritur quod fuerint ab aeterno in seipso, sed sufficit quod fuerint ab aeterno in mensura aeternitatis, & quod ab aeterno fuerint cogniti & praordinati per legem aeternam.

23. Ad instantiam in contrarium dicendum, praesentiam futurorum contingentium in aeternitate, verissimam esse, & passim docet à S. Patribus, & à D. Thoma, ut in Tractatu de scientia Dei sùl ostendimus; eamque, si admittatur, sufficere ut lex promulgetur ab aeterno ex parte Dei, licet non ex parte creaturarum. Ex eo tamen non sequitur, ut obseruit Vazquez, quod lex Motaica possit dici lex aeterna; licet enim tam lex illa, quam tonitrua, populus, &c. fuerint Deo praesentia in aeternitate, ipsa tamen lex exteriis data illi populo, in tempore data fuit, considerata in seipso; unde non potest dici aeterna, licet potuerit dici praesens Deo in aeternitate. Ratio autem gubernationis velum in Deo existens, in seipso fuit ab aeterno, recipiens creatu-

A ras futuras in tempore, & Deo praesentes in aeternitate, & sic jure optimo dicitur lex aeterna.

Ad id quod additur, Respondeo promulgationem, ut se tenet ex parte creaturarum, esse opus ad extra, subindeque non esse ab aeterno, sed in tempore; ut autem se tenet ex parte Dei, esse actum liberum pertinentem ad imperium intellectus divini, & sic non posse non esse ab aeterno.

Quares, quomodo lex aeterna creaturis existentibus in tempore promulgetur?

Respondeo eam creaturis intellectualibus promulgari per quandam impressionem luminis in intellectu, juxta illud Psalmi 4. *Signatum est super nos lumen vultus tui Domine, creaturis vero ratione parentibus promulgari per impressionem inclinationis & instinctus naturalis:* quia lex aeterna promulgatur creaturis secundum modum illis convenientem: Primus autem modulus promulgationis convenientis creaturis intellectualibus, alter vero rebus naturalibus, & creaturis ratione parentibus, quæ solo intuitu & inclinatione innata tendunt in suos fines.

Notandum tamen, quod impressio illa inclinationis seu principii activi in creaturis irrationalibus, duplice potest considerari; primò per modum regulæ proxime operationis, secundò per modum applicationis legis aeternæ ipsi creaturæ irrationali. Primo modo considerata, habet rationem legis aeternæ participativæ, ut est in mensurato & regulato per illam; secundo autem modo habet rationem promulgationis ejusdem legis.

Objicies tertio cum Lorca: Lex aeterna non minus gubernat & comprehendit creaturas irrationales, quam ratione prædictas, omnes enim ex eaque hinc subiectiuntur, ut docet D. Thomas hic art. 4. & 5. Sed creaturæ irrationales non sunt capaces legis veræ & propriæ dictæ, cum sint praecipi incapaces: Ergo lex aeterna non est veræ & propriæ lex, sed metaphoricæ tantum & impropriæ.

Propter hoc argumentum Suarez lib. 2. de legibus cap. 2. Serra hic art. 1. dubio unico in resp. ad 5. & Aravivus hic difficultate 2. censem quod licet lex aeterna respectu creaturarum rationalem, quibus modo intelligibili notificatur, exerceat rationem & manus veræ legis, tamen respectu irrationalium, quibus non modo intelligibili, sed per impressionem inclinationis & activi principii, quo moventur ad suos fines, notificatur & promulgatur, non exercere rationem ac manus veræ & propriæ legis, sed tantum cuiusdam providentiae, sive principii gubernationis.

Alii verò existimant, legem aeternam, non solum quatenus est directiva actum liberorum creaturarum intellectualium, sed etiam quatenus est directiva actum & motuum necessariorum creaturarum irrationalium, veræ & propriæ rationem legis habere, quamvis ut est directiva actuū liberorum creaturarum intellectualium, specialissime & perfectiori modo rationem legis exercet; licet enim (inquit) promulgatio specialissime dicta, solum dicatur per ordinem ad creaturas intellectuales; promulgatio tamen absolute dicta, per comparationem ad omnes creaturas dicatur; haec enim nihil aliud est, quam impressio alicujus principii directivi operationis creature, sicut promulgatio specialissime dicta, est impressio principii directivi operationis mo-

Vnu 2 talis;

Tom. II.

ralis: quilibet autem creatura participat à lege. Aeterna principium directivum lus operationis, ac proinde quilibet participat suam promulgationem debitam & proportionatam sue natura. Unde ad objectionem, juxta hunc modum dicendi, respondetur, concessâ Majori, negando Minorem, & ad illius probationem, dicendum, quod præceptum est duplex; aliud morale, quod est regula operationum moralium creaturæ rationalis; aliud naturale, per intimationem naturalem, quæ fit ex impressione principii motivi in ordine ad finem, juxta illud Psal. 148. *Præceptum posuit, & non præterire, & istud Proverb. 8. Cùm legem ponebat aquis, ne transirent fines suos.* Creaturæ igitur irrationalis, licet sint incapaces præcepti primo modo sumptui, non tamen præcepti secundo modo accepti, ideoque vera lex eis imponi potest, quia non expolit alium modum præcepti, nisi loquamur de lege specialissimè dicta, prout ad creaturas rationales dirigitur.

Uterque dicendi modus probabilis est, licet primus videatur probabilior, & menti D. Augustini & S. Thomæ conformior; cùm ille quæst. 64. in Levit. & habetur in cap. *Mulier* 13. quæst. 1. assertat irrationalia esse incapaces propriè dicta: iste verò suprà quæst. 90. art. i. dicat, quod lex propriè dicta est mensura humanorum actuum, subindeque rationem veræ & strictæ legis, respectu creaturarum irrationalium, quæ sunt incapaces humanorum actuum, non videatur agnoscere.

DISPUTATIO III.

De lege naturali.

Ad questionem 94. D. Thome.

Cum leges omnes à lege aeterna deriventur, sintque illius participationes & manifestationes; primum quod eam nobis evidenter manifestat, est lex naturalis; ideoque hac ante alias explicanda est, & de ejus essentia, seu ratione formalis, extensione, ac immutabilitate, breviter hic disputandum.

ARTICULUS I.

Quid sit lex naturalis, seu in quo formaliter consistat?

§. I.

Premittitur quod apud omnes est certum & referuntur sententiae?

Dicit apostolo ad Roman. 2. dicente, *habemus legem scriptam in cordibus nostris.* Et paulo post: *Gentes que legem non habent, naturaliter ea quæ legis sunt faciunt, & ostendunt opus scriptum in cordibus suis, & sunt sibi ipsi lex, testimonium illis reddente conscientiam.* Item Psal. 4. ait Propheta, *Multi dicunt, quis ostendit nobis bona?* Statimque responderet: *Signatum est super nos lumen vulpis tui Domine.* Quod de lumine naturalis rationis, quo discernitur quid sit bonum & quid malum, quodque per-

tinet ad legem naturalem, interpretatur D. Thome supra quæst. 91. art. 2.

Huc spectat quod habet Augustinus 2. confess. cap. 4. *Lex tua, Domine, in cordibus hominum scripta est, quam nec ulla unquam delet aut delebit iniquitas.* Et in Psal. 57. *Veritas manu formata in cordibus nostris scripta:* *Quod tibi fieri non vis, alterne feceris.* Hoc ignorare nemo permisus est, etiam antequam lex daretur. Item lib. 2. de fer. Dominum in monte cap. 9. ait, *Nullam animam esse que ratiocinari possit, in cuius conscientia non loquatur Deus.* *Quis enim legem naturalem in cordibus hominum scribit, nisi Deus?* Ad idem pertinet quod ait Ambrosius libr. 9. Epist. 71. *Ea lex (inquit) non inscribitur, sed innascitur, nec aliquâ precipitat letione, sed proflo quodam naturâ fonte in singulis exprimitur.* Demum Tullius lib. de legibus, summâ eloquentiâ, & penâ divina voce, ut loquitur Laetanius, legem hanc naturalem depinxit: *Est quidem (i. quicunque) vera lex, recta ratio, natura congrua, diffusa per omnes, constans, sempiterna, quo vocet ad officium, jubendo, retando, a fraude deriverat.* Huiusgitur legi, nec prorogari fas est, neque derogari aliquid licet. Nec tota abrogari potest. Ne vero personatum, aut per populum solvi habeat legi possumus: nec est querendus explanator aut interpres alius. Non erit alia lex Roma, alia Athenæ, alia nancæ, alia posthac, sed & omnes gentes, & omni tempore, una lex & sempiterna, & immutabilis continet: unusquisque erit communis quasi magister & imperator omnium Deus.

Ratio etiam suffragatur, si enim detur in nobis lumen naturale pro rerum speculabilitum cognitione, multò magis dabatur pro rerum agendarum notitia & iudicio.

Confirmatur: Omnis creatura debet suum finem consequi posse: At nulla creatura rationalis suum finem consequi potest absque lege naturali; cùm illum non possit consequi, nisi per rectam operationem, nec recte operari sine legem naturali, à qua in suis operationibus dirigatur: Ergo, &c.

Hoc supposito, difficultas & controversia est, inter Theologos, in explicando quid sit lex illa naturalis, seu in quo formaliter consistat; Vazquez enim 1. 2. disp. 180. cap. 3. & Merarius disp. 2. de legibus sed. 1. docent legem naturalem esse ipsammet naturam rationalem secundum se, quatenus ratione sua essentia talis est, ut aliqua actiones sint illi moraliter convenientes, & honestæ; alia repugnantes & indecentes. Alensis vero 3. p. quæst. 2. 7. membro 2. & D. Bonaventura in 2. dist. 39. art. 2. quæst. 1. existimant legem naturalem esse habitum, quo nomine non intelligunt qualitatem acquisitam & superadditam potentiam, sed ipsum lumen intellectuale, prout in actu primo spectatur, & est vis discernendi honesta & turpia moraliter. Alii legem naturalem collocant non in habitu, sed in actu; inter quos adhuc magna est dissensio: Ariminensis enim, Gabriël, & Almañus, affirman, legem naturalem esse dictamen rationis indicantis & ostendentis quid consentaneum ait dissentaneum sit naturæ rationali, docentque talen legem non esse imperantem, sed indicantem, & quod nullum includat superioris imperium. Thomistæ vero, Suarez, Valentia, Azorius, Salas & alii, censem legem naturalem non in dictamine solum ostensivo boni & mali, sed etiam præceptivo, consistere, esseque actum imperii, nos ad ea quæ tali lege præscripta sunt obligantis.

§. II.